

თბილისის მუნიციპალიტეტის საკრებულო

ურბანული დაგეგმარებისა და საქალაქო მეურნეობის კომისიის სხდომის

ოქმი #2

ქ. თბილისი

2025 წელი, 19 ნოემბერი, 13:00 საათი

სხდომას ესწრებოდნენ კომისიის წევრები: ნიკოლოზ კახეთელიძე, ზურაბ აბაშიძე, ბექა დავითულიანი, ზურაბ ჩიკვილაძე, ნინო ვარდოსანიძე, კონსტანტინე ზარნაძე, გივი ჩხარტიშვილი, ალექსანდრე ასათიანი, ზაქარია წიკლაური, ნიკოლოზ ჩერქეზიშვილი

სხდომას თავმჯდომარეობდა: ნიკოლოზ კახეთელიძე

სხდომის მუშაობაში მონაწილეობდნენ:

გაიოზ თალაკვაძე - თბილისის მუნიციპალიტეტის მერიის საფინანსო საქალაქო სამსახურის უფროსი

ლევან მიქავა - თბილისის მუნიციპალიტეტის მერიის საფინანსო საქალაქო სამსახურის უფროსის მოადგილე

№	ს ა კ ი თ ხ ი ს დ ა ს ა ხ ე ლ ე ბ ა
1.	“ქალაქ თბილისის მუნიციპალიტეტის 2026 წლის ბიუჯეტის პროექტის შესახებ“ ქალაქ თბილისის მუნიციპალიტეტის საკრებულოს დადგენილების პროექტის დამტკიცების თაობაზე (საკრებულოს #12-032531815-03-14.11.2025)

კომისიის თავმჯდომარე ბატონი ნიკოლოზ კახეთელიძე მიესალმა კომისიის წევრებს და სხდომა გახსნილად გამოაცხადა.

ურბანული დაგეგმარებისა და საქალაქო მეურნეობის კომისიამ ხმათა უმრავლესობით დაამტკიცა დღის წესრიგი.

“ქალაქ თბილისის მუნიციპალიტეტის 2026 წლის ბიუჯეტის პროექტის შესახებ“ ქალაქ თბილისის მუნიციპალიტეტის საკრებულოს დადგენილების პროექტის დამტკიცების თაობაზე (საკრებულოს #12-032531815-03-14.11.2025)

კომისიის სხდომაზე პროექტი წარმოადგინა თბილისის მუნიციპალიტეტის მერიის საფინანსო საქალაქო სამსახურის უფროსმა გაიოზ თალაკვაძემ. მისი თქმით, ქალაქ თბილისის მუნიციპალიტეტის 2026 წლის ბიუჯეტის პროექტის მოცულობა განისაზღვრა 2 082 482,2 ათასი ლარით, რაც 2025 წლის დამტკიცებულ ბიუჯეტთან (1 983 178,0 ათასი ლარი) მიმართებაში გაზრდილია 99 304,2 ათასი ლარით. თბილისის მუნიციპალიტეტის 2026 წლის ბიუჯეტის პროექტით გათვალისწინებულია შემდეგი ძირითადი პრიორიტეტების დაფინანსება:

სატრანსპორტო ინფრასტრუქტურის მშენებლობა - აღდგენა - 656 339,7 ათასი ლარი; ინფრასტრუქტურის ობიექტების მშენებლობა, ექსპლოატაცია და ავარიული შენობების გამაგრება/ჩანაცვლება - 278 531,3 ათასი ლარი; ეკოლოგიური მდგომარეობის შენარჩუნება და გაუმჯობესება - 292 760,6 ათასი ლარი; ეკონომიკის განვითარების ხელშეწყობა - 3 079,5 ათასი ლარი; ბინათმესაკუთრეთა ამხანაგობების განვითარება - 47 491,3 ათასი ლარი; ჯანმრთელობის დაცვა და სოციალური უზრუნველყოფა - 182 384,4 ათასი ლარი; განათლება - 300 602,4 ათასი ლარი; კულტურა, სპორტი და ახალგაზრდობა - 50 558,8 ათასი ლარი; საზოგადოებრივი წესრიგი და უსაფრთხოება - 13 196,7 ათასი ლარი. ქ. თბილისის წარმომადგენლობითი და აღმასრულებელი ორგანოები - 257 537,5 ათასი ლარი. თბილისის მუნიციპალიტეტის 2026 წლის ბიუჯეტის შემოსავლების საპროგნოზო მაჩვენებელი განისაზღვრა 2 012 482,2 ათასი ლარის ოდენობით. მათ შორის: გადასახადები 1 017 275,0 ათასი ლარი, მათ შორის: ქონების გადასახადიდან მისაღები შემოსავალი შეადგენს 350 000,0 ათას ლარს, რაც 2025 წლის დამტკიცებულ მაჩვენებელთან (320 000,0 ათასი ლარი) შედარებით გაზრდილია 30 000,0 ათასი ლარით. მათ შორის: საწარმოთა ქონებაზე გადასახადი 282 000,0 ათასი ლარი, რაც 2025 წლის შესაბამის მაჩვენებელთან (255 000,0 ათასი ლარი) მიმართებაში გაზრდილია 27 000,0 ათასი ლარით ფიზიკურ პირთა ქონებაზე გადასახადი 48 000,0 ათასი ლარი, რაც 2025 წლის შესაბამის მაჩვენებელთან (45 000,0 ათასი ლარი) მიმართებაში გაზრდილია 3 000,0 ათასი ლარით; მიწაზე ქონების გადასახადი 20 000,0 ათასი ლარი, რაც 2025 წლის შესაბამისი მაჩვენებლის დონეზეა. დამატებული ღირებულების გადასახადიდან მისაღები შემოსავალი შეადგენს 667 275,0 ათას ლარს, რაც 2025 წლის დამტკიცებულ მაჩვენებელთან (667 349,2 ათასი ლარი) შედარებით შემცირებულია 74,2 ათასი ლარით. გრანტები 607 668,2 ათასი ლარი, რაც 2025 წლის დამტკიცებულ მაჩვენებელთან მიმართებაში გაზრდილია 13 493,6 ათასი ლარით (სხვა კაპიტალური გრანტების ხარჯზე) მათ შორის: - საერთაშორისო ორგანიზაციებიდან მისაღები გრანტები 405,0 ათასი ლარის ოდენობით (საქართველოს მთავრობასა და აზიის განვითარების ბანკს შორის გაფორმებული სასესხო ხელშეკრულების (No6024- GEO, No4134-GEO) ფარგლებში, „საცხოვრებლად ვარგისი ქალაქების საინვესტიციო პროგრამის“ განხორციელებისთვის, ინდივიდუალური კონსულტანტების შრომის ანაზღაურების (გადასახადების გარეშე) დაფარვა დონორი ორგანიზაციის მიერ) - მიზნობრივი ტრანსფერი დელეგირებული უფლებამოსილების განსახორციელებლად 1 783,2 ათასი ლარი (მათ შორის გადამდებ დაავადებათა ეპიდემიოლოგიური კონტროლისათვის - 383,2 ათასი ლარი, ხოლო პერსონალური ასისტენტის მომსახურებით უზრუნველყოფისათვის - 1 300,0 ათასი ლარი); - სახელმწიფო ბიუჯეტიდან მისაღები სპეციალური ტრანსფერი 580 000,0 ათასი ლარი. - სხვა კაპიტალური გრანტები სახელმწიფო ბიუჯეტიდან - 25 480,0 ათასი ლარი (მათ შორის თბილისის ავტობუსების პროექტის (ფაზა II) (EBRD) ფარგლებში დამატებული ღირებულების გადასახადის გადასახდელო - 3 000,0 ათასი ლარი, მდგრადი ურბანული მობილობა - გონიერი სატრანსპორტო სისტემა (KfW) სესხის მომსახურების ფარგლებში დამატებული ღირებულების გადასახადის გადასახდელო - 2 000,0 ათასი ლარი, თბილისის მეტროს (მოძრავი შემადგენლობის განახლება) მოდერნიზაციის პროექტის (AIIB) ფარგლებში დამატებული ღირებულების გადასახადის გადასახდელო - 17 000,0 ათასი ლარი, თბილისის მეტროს სადგურების მოდერნიზაციის პროექტის სესხის მომსახურების ფარგლებში დამატებული ღირებულების გადასახადის გადასახდელო - 200,0 ათასი ლარი, საცხოვრებლად ვარგისი ქალაქების საინვესტიციო პროგრამის (ADB) ფარგლებში დამატებული ღირებულების გადასახადის გადასახდელო - 2 280,0 ათასი ლარი, თბილისის ნარჩენების გადამუშავების პროექტის სესხის მომსახურების ფარგლებში დამატებული ღირებულების გადასახადის

გადასახდელად - 1 000,0 ათასი ლარი). სხვა შემოსავლები 387 539,0 ათასი ლარი, რაც 2025 წლის შესაბამის მაჩვენებელთან (321 654,2 ათასი ლარი) მიმართებაში გაზრდილია 65 884,8 ათასი ლარით. მათ შორის: - შემოსავალი საკუთრებიდან - 26 000,0 ათასი ლარი, რაც 2025 წლის შესაბამის მაჩვენებელთან შედარებით გაზრდილია 8 000,0 ათასი ლარით პროცენტებიდან მისაღები შემოსავლების ზრდის ხარჯზე; - ადგილობრივი სანებართვო მოსაკრებელი - 23 026,8 ათასი ლარი, რაც 2025 წლის შესაბამის მაჩვენებელთან შედარებით შემცირებულია 764,6 ათასი ლარით საქართველოს დედაქალაქში მსუბუქი ავტომობილით ტაქსით (M1 კატეგორია) გადაყვანის ნებართვის მოსაკრებელიდან მისაღები შემოსავლების შემცირების ხარჯზე; - სათამაშო ბიზნესის მოსაკრებელი - 50 000,0 ათასი ლარი, რაც 2025 წლის შესაბამის მაჩვენებელთან შედარებით შემცირებულია 10 000,0 ათასი ლარით; - მოსაკრებელი დასახლებული ტერიტორიის დასუფთავებისათვის - 100 000,0 ათასი ლარი, რაც 2025 წლის შესაბამის მაჩვენებელთან შედარებით გაზრდილია 20 000,0 ათასი ლარით; - სანქციები (ჯარიმები და საურავები) 120 000,0 ათასი ლარი, რაც 2025 წლის შესაბამის მაჩვენებელთან შედარებით გაზრდილია 5 000,0 ათასი ლარით; - სხვადასხვა შემოსავლები - 76 512,2 ათასი ლარი, რაც 2025 წლის შესაბამის მაჩვენებელთან შედარებით გაზრდილია 43 649,4 ათასი ლარით. ქალაქ თბილისის მუნიციპალიტეტის 2026 წლის ბიუჯეტის გადასახდელები შეადგენს 2 082 482,2 ათას ლარს. მათ შორის: ხარჯების მუხლი განსაზღვრულია 1 730 007,8 ათასი ლარით, მათ შორის: შრომის ანაზღაურება გათვალისწინებულია 164 521,7 ათასი ლარი, საქონელი და მომსახურება - 223 852,6 ათასი ლარი, პროცენტი - 50 087,2 ათასი ლარი, სუბსიდიები - 920 322,0 ათასი ლარი, გრანტები - 1 492,9 ათასი ლარი, სოციალური უზრუნველყოფა - 170 206,5 ათასი ლარი, სხვა ხარჯები - 199 524,9 ათასი ლარით. არაფინანსური აქტივების ცვლილება წარმოდგენილი პროექტით არაფინანსური აქტივების ცვლილება შეადგენს - 244 903,5 ათას ლარს, მათ შორის: - არაფინანსური აქტივების ზრდა - 314 903,5 ათასი ლარი. - არაფინანსური აქტივების კლება - 70 000,0 ათასი ლარი (მათ შორის საცხოვრებელი სახლების ფართის გაყიდვიდან - 30 000,0 ათასი ლარი). ვალდებულებების ცვლილება 2026 წლისათვის ვალდებულებების ცვლილება (37 570,9) ათასი ლარი, რომელიც მთლიანად ვალდებულებების კლებას შეადგენს. ქალაქ თბილისის მუნიციპალიტეტის ბიუჯეტის მთლიანი სალდო 2026 წლისათვის ქალაქ თბილისის მუნიციპალიტეტის ბიუჯეტის მთლიანი სალდო განისაზღვრა 37 570,9 ათას ლარით, რაც ნიშნავს რომ ქალაქ თბილისის მუნიციპალიტეტის 2026 წლის ბიუჯეტი არის პროფიციტური. ქალაქ თბილისის მუნიციპალიტეტის 2026 წლის ბიუჯეტით განისაზღვრა თბილისის პრიორიტეტები: სატრანსპორტო ინფრასტრუქტურის მშენებლობა - აღდგენის პრიორიტეტის მიმართულებით განსაზღვრულია 656 339,7 ათასი ლარი. პრიორიტეტის ფარგლებში საგზაო ინფრასტრუქტურის მშენებლობა, აღდგენა და მოვლა-შეკეთების პროგრამისათვის გათვალისწინებულია 102 856,0 ათასი ლარი, მათ შორის რაიონების გზების მოვლა-შეკეთების ქვეპროგრამებისათვის ჯამში - 59 856,0 ათასი ლარი, სატრანსპორტო ინფრასტრუქტურის მოწესრიგების ღონისძიებებისათვის - 26 456,2 ათასი ლარი (მათ შორის მდგრადი ურბანული მობილობა - გონიერი სატრანსპორტო სისტემა (KFW) სესხის მომსახურების ფარგლებში გადასახდელი დღგ - 2 000,0 ათასი ლარი, თბილისის ავტობუსების პროექტის (ფაზა II) (EBRD) ფარგლებში გადასახდელი დღგ - 3 000,0 ათასი ლარი); მეტროს სადგურების რეკონსტრუქცია, მშენებლობა - 200,0 ათასი ლარი (თბილისის მეტროს სადგურების მოდერნიზაციის პროექტის სესხის ფარგლებში გადასახდელი დღგ); საქალაქო სამგზავრო ტრანსპორტის მოძრავი შემადგენლობის მოდერნიზაცია - 17 000,0 ათასი ლარი (თბილისის მეტროს (მოძრავი შემადგენლობის განახლება) მოდერნიზაციის პროექტის (AIIB) ფარგლებში გადასახდელი დღგ); საქალაქო სამგზავრო ტრანსპორტის სუბსიდია - 479 827,5 ათასი ლარი

(რეგულირებად ეკონომიკურ სფეროებში მომსახურების ინტეგრირებულ სისტემაში ჩართული მიწისქვეშა (მეტრო) ტრანსპორტის, საბაგიროს, M2 და M3 კატეგორიის ავტობუსების მიერ გაწეული მომსახურების საფასური (სააგენტოს საკუთარი სახსრებიდან გათვალისწინებულია 144 000,0 ათასი ლარი), დაიწყება დიდი დიდიდან მეტრო დიდუბემდე ტრამვაის ხაზის (მრავალწლიანი პროექტი) პროექტირება/მშენებლობა - 30 000,0 ათასი ლარი; ინფრა. ობიექტების მშენებლობა, ექსპლუატაცია და ავარიული შენობების გამაგრება/ ჩანაცვლება - 278 531,3 ათასი ლარით, რაც 2025 წლის დამტკიცებულ ბიუჯეტთან (246 495,3 ათასი ლარი) მიმართებაში გაზრდილია 32 036,0 ათასი ლარით. პრიორიტეტის ფარგლებში გათვალისწინებულია საინჟინრო ნაგებობების და ინფრასტრუქტურის ობიექტების მშენებლობა და აღდგენა-რეკონსტრუქცია - 32 703,8 ათასი ლარი (მათ შორის ხიდების და გვირაბების მოწყობა რეაბილიტაცია, საყრდენი კედლების მშენებლობა-რეკონსტრუქცია, სანიაღვრე და საკანალიზაციო ქსელების მოწყობა- რეკონსტრუქცია, სანიაღვრე კოლექტორების მშენებლობა რეაბილიტაცია), ბინათმშენებლობა და ავარიული შენობების გამაგრება - 7 000,0 ათასი ლარი (დაახლოებით 37-მდე შენობა- ნაგებობის გამაგრება), გარე განათების ქსელის ექსპლოატაცია და რეაბილიტაცია - 43 500,0 ათასი ლარი, კეთილმოწყობის ღონისძიებები - 79 646,9 ათასი ლარი (კეთილმოწყობის ღონისძიებები რაიონებში გათვალისწინებულია 72 491,4 ათასი ლარი), ავარიული სახლების ჩანაცვლება - 20 000,0 ათასი ლარი (გრძელდება 3 კორპუსის მშენებლობა, ჩანაცვლების პროგრამის ფარგლებში სამგორის რაიონში ბინის ქირით უზრუნველყოფილია 130 ოჯახი - 1 580,1 ათასი ლარი, საბურთალოს რაიონში 74 ოჯახი - 871,2 ათასი ლარი, ხოლო ავარიული სახლების ჩანაცვლების ფარგლებში გადასაცემი უძრავი ქონების რემონტისათვის (1კვ. - 286 ლარი) გათვალისწინებულია 2 200,0 ათასი ლარი), ქალაქის განვითარების ხელშეწყობის - 73 036,1 ათასი ლარი (პროგრამის ფარგლებში გაგრძელდება უკვე დაწყებული პროექტების დაფინანსება, როგორცაა: ისტორიულ-კულტურული ძეგლების, სადარბაზოების, მუზეუმების და სხვა შენობების რეაბილიტაცია, საცხოვრებლად ვარგისი ქალაქების საინვესტიციო პროგრამის (ADB) ფარგლებში დამატებული ღირებულების გადასახდელოდ გათვალისწინებულია 2 280,0 ათასი ლარი); ეკოლოგიური მდგომარეობის შენარჩუნება და გაუმჯობესება - 292 760,6 ათასი ლარით, რაც 2025 წლის დამტკიცებულ ბიუჯეტთან (263 120,9 ათასი ლარი) მიმართებაში გაზრდილია 29 639,7 ათასი ლარით. პრიორიტეტის ფარგლებში გამწვანების ღონისძიებებისათვის გათვალისწინებულია 100 801,3 ათასი ლარი (მათ შორის ინფრასტრუქტურის რეაბილიტაცია/მწვანე კუნძულების მოწყობა, გამწვანებული ტერიტორიების მოვლა-პატრონობა, სარწყავი სისტემების მოწყობა, ფერდობებზე ტყის გაშენება, სათამაშო ატრაქციონებისა და სპორტული ტრენაჟორების მცენარეთა შეძენა და სხვა), დასუფთავების ღონისძიებებისათვის გათვალისწინებულია 152 389,9 ათასი ლარი (მათ შორის თბილისის ნარჩენების გადამუშავების პროექტის სესხის ფარგლებში დამატებული ღირებულების გადასახადის გადასახდელოდ - 1 000,0 ათასი ლარი, ხოლო საყოფაცხოვრებო ნარჩენების კონტეინერების შესაძენად - 2 000,0 ათასი ლარი), ბოტანიკური ბაღის და თბილისის ზოოლოგიური პარკის ხელშეწყობისთვის გათვალისწინებულია 17 165,5 ათასი ლარი (მათ შორის ახალი ზოოპარკის ტერიტორიაზე ვოლიერების მშენებლობა, ვოლიერების/შენობების რეაბილიტაცია და სხვა - 7 000,0 ათასი ლარი); ეკონომიკის განვითარების ხელშეწყობა - 3 079,5 ათასი ლარით. პრიორიტეტის ფარგლებში გრძელდება შემდეგი პროგრამების დაფინანსება: ბიზნესის სტიმულირება - 1 583,5 ათასი ლარი, თბილისის განვითარების კვლევები, სტრატეგიები და პროექტები - 326,0 ათასი ლარი, თბილისი - საერთაშორისო ქსელებსა და პროექტებში - 130,0 ათასი ლარი, მერიის სისტემის საქმიანობის ხელშეწყობა - 370,0 ათასი ლარი, თბილისში შემომყვანი ტურიზმის მხარდაჭერა - 480,0 ათასი ლარი, ქალაქის საინვესტიციო

პოტენციალის რეალიზაცია 190,0 ათასი ლარი; ბინათმესაკუთრეთა ამხანაგობების განვითარება - 47 491,3 ათასი ლარი, მათ შორის გლდანის რაიონში - 4 685,0 ათასი ლარი, ნაძალადევის რაიონში - 4 450,0 ათასი ლარი, დიდუბის რაიონში - 3 859,0 ათასი ლარი, ჩუღურეთის რაიონში - 4 650,0 ათასი ლარი, ვაკის რაიონში - 5 300,0 ათასი ლარი, საბურთალოს რაიონში - 5 500,0 ათასი ლარი, ისნის რაიონში - 6 950,0 ათასი ლარი, სამგორის რაიონში - 5 000,0 ათასი ლარი, კრწანისის რაიონში - 3 067,3 ათასი ლარი, მთაწმინდის რაიონში - 4 030,0 ათასი ლარი. პრიორიტეტის ფარგლებში გრძელდება მრავალბინიან საცხოვრებელ სახლებში სახურავების შეკეთება (ბრტყელი და ქანობიანი გადახურვა), ლიფტების მიმდინარე შეკეთება და რეაბილიტაცია, შიდა წყალკანალიზაციის გაყვანილობების შეკეთება, სადარბაზოების სარემონტო სამუშაოები, შენობის ან/და მისი შემადგენელი ელემენტების კაპიტალური გამაგრებითი სამუშაოები და სხვა ღონისძიებები; ჯანმრთელობის დაცვა და სოციალური უზრუნველყოფა - 182 384,4 ათასი ლარით, რაც 2025 წლის დამტკიცებულ ბიუჯეტთან (165 575,2 ათასი ლარი) მიმართებაში გაზრდილია 16 809,2 ათასი ლარით. პრიორიტეტის ფარგლებში ჯანდაცვის პროგრამისათვის განსაზღვრულია 44 329,3 ათასი ლარი, მათ შორის გრძელდება გადამდებ და არაგადამდებ დაავადებათა ეპიდემიოლოგიური კონტროლის, აუტიზმის სპექტრის დარღვევის მქონე ბავშვთა აბილიტაცია, ფსიქიკური ჯანმრთელობის სათემო მომსახურება, გაფანტული სკლეროზის და ძუძუს კიბოს სამკურნალო მედიკამენტების, რევმატოიდული ართრიტის სამკურნალო მედიკამენტების, სახსრების ენდოპროტეზირების, დაავადებათა სკრინინგის და ტრანსპლანტაციის დაფინანსება. სოციალური დაცვის პროგრამისთვის ჯამში გათვალისწინებულია 138 055,1 ათასი ლარი. გრძელდება შემდეგი ქვეპროგრამების დაფინანსება: კომუნალური სუბსიდირება, სოციალურად დაუცველი მრავალშვილიანი ოჯახებისათვის 18 წლამდე ასაკის თითოეულ ბავშვზე ყოველთვიური დახმარება, სოციალურად დაუცველი საპენსიო ასაკის პირებისათვის მედიკამენტების დაფინანსება, სოციალურად დაუცველ ოჯახებში ყველა ახალშობილზე ერთჯერადი დახმარება, შინმოვლის დანადაფინანსება, მცირე საოჯახო ტიპის სახლებიდან გასული, სრულწლოვანი პირების დამოუკიდებელი ცხოვრების ხელშეწყობა, უფასო სწავლება მოსწავლე ახალგაზრდობის სახლებში, სასახლეში, ხელოვნების სკოლებში, სპორტულ სკოლებში და საცურაო აუზებში, თბილისის მუნიციპალური თავშესაფრის მოვლა-პატრონობა, შეზღუდული შესაძლებლობების მქონე პირთა საზოგადოებაში ინტეგრაციის ხელშეწყობა, საკურორტო მომსახურება და დახმარება, უფასო სასადილოებით მომსახურება რაიონებში, დანგრეული სახლების მაცხოვრებელთა საკომპენსაციო თანხები რაიონებში და სხვა; განათლება - 300 602,4 ათასი ლარით, რაც 2025 წლის დამტკიცებულ ბიუჯეტთან (261 539,9 ათასი ლარი) მიმართებაში გაზრდილია 39 062,5 ათასი ლარით. პრიორიტეტის ფარგლებში მნიშვნელოვანი წილი უჭირავს სკოლამდელი აღზრდის დაწესებულებების ხელშეწყობას 248 784,7 ათასი ლარის ოდენობით (გრძელდება დაწყებული პროექტების დაფინანსება, მათ შორის: გრძელდება ერთი ბაღის კაპიტალური რეაბილიტაცია, ხოლო დასრულდება 3 საბავშვო ბაგა-ბაღის მშენებლობა/ რეაბილიტაცია (მათ შორის 2 არსებული ბაღის ნაცვლად ახლის მშენებლობა და ერთი ბაღის შენობის კაპიტალური რეაბილიტაცია), გაგრძელდება შემდეგი პროგრამების/ქვეპროგრამების დაფინანსება: სტუდენტთა დაფინანსების პროგრამა, ზოგადი განათლების და სასკოლო პროექტების ხელშეწყობა, უწყვეტი განათლების და სტუდენტური პროექტების ხელშეწყობა, პროფესიული განათლების და დასაქმების ხელშეწყობა, მულტიფუნქციური ბიბლიოთეკების გაერთიანების ხელშეწყობა, ახალგაზრდობის ეროვნული სასახლის ხელშეწყობა, იურიდიული კლინიკა და სხვა; კულტურა, სპორტი და ახალგაზრდობა - 50 558,8 ათასი ლარით, რაც 2025 წლის დამტკიცებულ ბიუჯეტთან (39 294,0 ათასი ლარი) მიმართებაში გაზრდილია 11 264,8

ათასილარით. გაგრძელდება კულტურის ობიექტების (თეატრები, მუზეუმი, გალერეა, საბალეტო დასი, ზიგ-ბენდი, პანთეონი) დაფინანსება, სახელოვნებო განათლების ხელშეწყობა, წარმატებული სპორტსმენი ბავშვების და მწვრთნელთა მხარდაჭერა, პარასპორტის განვითარების ხელშეწყობა, სპორტული მოედნების მშენებლობა, რეკონსტრუქცია (მათ შორის მუხიანის რაგბის კომპლექსის მოედნების რეაბილიტაცია, დაიწყება "ამერის" სპორტული კომპლექსის (მოედნების) სამშენებლო სამუშაოების საპროექტოსახარჯთადრიცხვო დოკუმენტაციის მომზადება), სპორტული და კულტურის დაწესებულებების მატერიალურ-ტექნიკური ბაზის გაუმჯობესების ღონისძიებები; გრძელდება ფიზიკური დატვირთვების სკრინინგი (სპორტულ ცენტრებში 18 წლამდე ასაკის ბენეფიციართა ფიზიკური დატვირთვების და ჯანმრთელობის სკრინინგი) და სპორტი უფროსი თაობისთვის (60 წლის და 60 წელს გადაცილებული მოქალაქეებისთვის უსასყიდლოდ სპორტული სერვისებით სარგებლობა). დაიწყება დიღმის მასივში, მე-3 კვარტალში მრავალფუნქციური სპორტული კომპლექსის სამშენებლო სამუშაოები (მრავალწლიანი პროექტი). ასევე, გათვალისწინებულია სპორტული, კულტურული და ახალგაზრდული ღონისძიებების ხელშეწყობა, კულტურის სფეროს განვითარების ხელშეწყობა და სხვა; საზოგადოებრივი წესრიგი და უსაფრთხოება - 13 196,7 ათასი ლარით, პრიორიტეტის ფარგლებში დაფინანსდება პროგრამები: თბილისის მუნიციპალიტეტის ქონების დაცვის უზრუნველყოფა - 1 841,3 ათასი ლარით და ცხოველთა მონიტორინგი - 11 355,4 ათასი ლარით; ქ.თბილისის წარმომადგენლობითი და აღმასრულებელი ორგანოები - 257 537,5 ათასი ლარით. პრიორიტეტის ფარგლებში განსაზღვრულია ბიუჯეტის სარეზერვო ფონდი - 4 000,0 ათასი ლარის ოდენობით და წინა წლებში წარმოქმნილი დავალიანებების დაფარვისა და სასამართლო გადაწყვეტილებების აღსრულების ფონდი - 2 000,0 ათასი ლარის ოდენობით. ასევე, გათვალისწინებულია წინა წლებში აღებული სესხების დაფარვა, მათ შორის მდგრადი ურბანული მობილობა - გონიერი სატრანსპორტო სისტემა (KfW) - 7 050,0 ათასი ლარი, თბილისის მუნიციპალური მომსახურების პროექტის სესხის მომსახურება - 5 828,6 ათასი ლარი, თბილისის მეტროს სადგურების მოდერნიზაციის პროექტის სესხის მომსახურება - 7 590,0 ათასი ლარი, თბილისის ნარჩენების გადამუშავების პროექტის სესხის მომსახურება - 3 900,0 ათასი ლარი, თბილისის ნარჩენების პოლიგონის გაუმჯობესების პროექტის სესხის მომსახურება - 2 400,0 ათასი ლარი, თბილისის ავტობუსების პროექტის სესხის მომსახურება - 6 319,3 ათასი ლარი, თბილისის მეტროს (მოდრავი შემადგენლობის განახლება) მოდერნიზაციის პროექტის სესხის მომსახურება (AIIB) - 11 250,0 ათასი ლარი, თბილისის მყარი ნარჩენების პროექტის სესხის მომსახურება 8 260,3 ათასი ლარი, თბილისის ავტობუსების პროექტის სესხის მომსახურება II ფაზა - 35 059,9 ათასი ლარი. გარდა ამისა, ქალაქ თბილისის მუნიციპალიტეტის 2026 წლის ბიუჯეტის პროექტს ახლავს ინფორმაციული ხასიათის დანართები: დანართი 1 - პროგრამული ბიუჯეტის შესახებ, რომელიც მოიცავს დეტალურ ინფორმაციას განსახორციელებელი პროგრამებისა და ქვეპროგრამების შესახებ, დანართი 2 - კაპიტალური პროექტების შესახებ, დანართი 3 - ბიუჯეტით გათვალისწინებული პროგრამების/ქვეპროგრამების განმახორციელებელი ორგანიზაციების შესახებ, დანართი 4 - სხვა ხარჯების შესახებ, დანართი 5 - ქალაქ თბილისის მუნიციპალიტეტის მიერ დაფუძნებული სსიპ-ებისა, ა(ა)იპ-ების და სამთავრობო სექტორს მიკუთვნებული სახელმწიფო საწარმოების ბიუჯეტების შესახებ, დანართი 6 - ქალაქ თბილისის მუნიციპალიტეტის მიერ დაფუძნებული სამთავრობო სექტორს მიკუთვნებული სახელმწიფო საწარმოების ბიუჯეტების შესახებ, დანართი 7 - ქალაქ თბილისის მუნიციპალიტეტის 2025 წლის ბიუჯეტის 9 თვის შესრულების მიმოხილვის შესახებ და ქალაქ თბილისის მუნიციპალიტეტის 2026-2029 წლების პრიორიტეტების დოკუმენტი. ქალაქ თბილისის მუნიციპალიტეტის 2026 წლის ბიუჯეტის

პროექტში გამოყენებულია თანასწორობის პოლიტიკის განხორციელების მექანიზმი, რომელიც გულისხმობს საბიუჯეტო პროცესში გენდერული ასპექტების ჩართვას.


კომისიის სხდომა კითხვა-პასუხის რეჟიმში წარიმართა.

კომისიის გადაწყვეტილებით - წარმოდგენილ ბიუჯეტის პროექტში ასახული ინფრასტრუქტურული პროექტები არ არის საკმარისი დედაქალაქის მასშტაბით არსებული პრობლემების მოსაგვარებლად; • მიზანშეწონილია ავარიული სახლების ჩანაცვლების პროგრამა (პროგრამული კოდი - 02.12) - 2026 წლის ბიუჯეტის პროექტით გათვალისწინებული თანხა - 20.000.000 ლარი გაზრდილი იქნას. • საჭიროა რაიონის გამგეობებისთვის ბიუჯეტიდან თანხების გამოყოფა (მათი ტერიტორიების, მოსახლეობის რაოდენობის, რაიონში არსებული ინფრასტრუქტურული, გზების მოწესრიგების და სოცალიური პრობლემების მასშტაბების პროპორციულად)

აღნიშნულის გათვალისწინებით კომისია მიზანშეწონილად მიიჩნევს „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის No2-1 დადგენილების 72-ე მუხლის მე-6 პუნქტის შესაბამისად „ქალაქ თბილისის მუნიციპალიტეტის 2026 წლის ბიუჯეტის წარმოდგენილი პროექტი“, გამოთქმული შენიშვნის გათვალისწინებით გადასამუშავებლად დაუბრუნდეს ქალაქ თბილისის მუნიციპალიტეტის მერს

ურბანული დაგეგმარებისა და საქალაქო მეურნეობის კომისიის თავმჯდომარემ ნიკოლოზ კახეთელიძემ სხდომა დახურულად გამოაცხადა.

სხდომის თავმჯდომარე



ნიკოლოზ კახეთელიძე